

RIPFUMELO

 Kambe u fanele ku tirhisa ripfumelo eka Xikwembu, ku endla leswaku swi tirha. Wa vona? Swingaleswi u na ku pfuka ka wena n'winyi endzeni ka wena. Ku pfuka ka wena ku tshama endzeni ka wena, emoyen wa wena.

² Sweswi, wa swi tiva, loko Yesu a fa exihambanweni, “Moya-xiviri wa Yena wu xikerile etiheleni kutani wu ya chumayilela mimoya-xiviri leyi a yi ri ekhotsweni, leyi nga hundzukangiki hi masiku ya ku lehisa mbilu ka Nowa.” Miri wa Yena wu yile esirheni. Kambe, loko A nga se fa, U nyiketile Moya wa Yena emavokweni ya Xikwembu. Evokweni . . . “Ndzi nyiketa Moya wa Mina evokweni ra Wena.” Swingaleswi, ma swi vona, Moya wa Yena wu yile eka Xikwembu; moyo-xiviri wa Yena wu yile etiheleni; miri wa Yena wu yile esirheni.

³ Sweswi, Moya luwa a wu ri eka Yena a wu ri Moya wa Xikwembu. “Moya walowo, hi minkarhi yo hambarana na hi mikhuva yo hambarana, wu totile vaprofeta, ku tisa Hungu eka vanhu; hi masiku yo hetelela, hi Kreste; kutani sweswi, hi masiku lawa lahawani, hi Evhangeli.” Sweswi, loko hi amukela Kreste etimbilwini ta hina, ku na hinkwaswo leswi hi swi lavaka. Ku na Vutomi lebyi nga Heriki.

⁴ Sweswi, Kreste a nga ta vuyela endzhaku kukondza ku fikeleriwa masiku manharhu. Hikuva, Moya wa Yena a wu ri endzhaku ka xikirini, kukotisa xigogi, kukotisa *lexi*, leswaku A nga ta swi kota ku tsemakanya hi le henhla ka xigogi xexo, hikuva a ku ri Rito ra Xikwembu leri nga vuriwa, leswaku, “A ta fanela ku etlela esirheni ku ringana masiku manharhu na vusiku byinharhu.” Sweswi, A nga ta vuyela endzhaku kukondza masiku lawaya manharhu na vusiku bya kona swi herile. Kuteloko masiku manharhu na vusiku bya kona swi herile, Moya wa Yena wu ntshuxiwile. Wu yile hi ku kongoma eka moyo-xiviri wa Yena, kutani moyo-xiviri wa Yena wu vuyerile endzhaku kutani wu tlakula miri, na ku fikelela leswi A nga swi vula. “Ndzi na matimba yo veka vutomi bya Mina ehansi. Ndzi na matimba yo tlhela ndzi byi teka nakambe. Ndzi na matimba.”

⁵ Sweswi, un'wana na un'wana wa n'wina u na matimba, hi ndlela leyi fanaka, hikuva mi majaha na vanhwana va Xikwembu. Naswona Moya walowu wu nga eka n'wina, mixo lowu, Moya lowo Kwetsima lowu nga eka n'wina mixo lowu, wona Moya lowo Kwetsima lowu fanaka wu ta mi pfuxa. Swingaleswi, mi na matimba yo tlhela mi ti pfuxa.

⁶ Loko u fa, moyo-xiviri wa wena wu ta ya e—e . . . ehansi ka altari ya Xikwembu, ku nga ri e . . . kwale Vukoneni bya Xikwembu. Sweswi, moyo wa wena wu ta ya eka

Xikwembu, kambe wena u nga ka u nga vuyeli endzhaku. Tsundzukani, eBibeleni, Yi vurile leswaku moya... “Mimoya-xiviri leyi nga ehansi ka altari, leyi rilaka, ‘Hosi, i nkarhi wo leha ku fika kwihi, i nkarhi wo leha ku fika kwihi?’” Nakona a yi nga ta vuyela endzhaku kukondza Matsalwa ya fikeleriwa, naswona, kukotisa Kreste, a nga ta vuyela endzhaku kukondza Matsalwa ya fikeleriwa. Kutani, endzhaku ka, sweswo hinkwaswo swi endliwile, ku xaniseka hinkwako ku herile, naswona vamakwerhu va xanisekile hi swilo leswi fanaka, kumbe hi xanisekile kukotisa hilaha va nga xaniseka hakona, na swin’wana na swin’wana; kutani, hi siku rero, u ta ku tiva hi ku kongoma laha u nga lahliwa kona, moya wa wena wu ta ntshuxiwa ku suka eka Xikwembu naswona wu ta ta eka moya-xiviri.

⁷ Sweswi, moya-xiviri i xiave lexiya xa wena lexi xi tivaka na ku twisia, vutlharhi bya wena. Wa xi tsundzuka xivono lexi ndzi nga va na xona ku nga ri khale ngopfu, kumbe vu Hundzuluxi lebyintsongo, ndzi yile eka xivandla lexiya kutani ndzi vona vanhu lavaya-ke? [Nhlengeletano yi ku, “Amen.”—Muhleri.] Sweswi, moya wa wena wu ta vuyela endzhaku eka miri walowo, naswona muxaka walowo—walowo wa miri, moya-xiviri, lowu nga miri lowu nga fanelangiki ku dya na swin’wana na swin’wana. “Loko tabernakele leyi ya le misaveni yi nga n’okisiwa, hi na yin’wana leyi ku nga khale yi rindzerile,” miri wa tilo. Kutani hi moya walowo, na moya-xiviri walowo na miri wa tilo, u ta tlhela u pfuxa miri lowu wa ntumbuluko hikwalaho ka Mileniyamu liya yikulukumba. Wa vona? U na matimba eka wena sweswi, yo endla sweswo, sweswi. Kambe, matimba yalawa u nga na wona endzeni ka wena sweswi, ya nga endla misava leyintshwa. Xikwembu a xi na lamantsongo, mavala yo tsana; na lamakulu, mavala yo tika lawa ya nga ni matimba. Ku khumbha lokuntsongo ka Xikwembu ku ni matimba hinkwawo, wa vona, ku khumbha lokuntsongo ka Xikwembu. Swingaleswi, ma swi tiva.

Swingaleswi ndzi le ku ringetenka ku nghanisa wena eripfumelweni sweswi.

⁸ Wa swi tiva leswaku swin’wana swi humelerile eka wena sweswi, tanahi Mukreste. Wa swi tiva-ke? [Nhlengeletano yi ku, “Amen.”—Muhleri.] A wu toloverile ku khandziya ku rhelela *lahawani* ethyakeni, na hinkwaswo swa thyaka na xidyoho, na ku nwa, na ku gembula, na—na swilo swa misava. Kunene, xikan’we-kan’we loko u ta va u pfumerile leswaku Kreste u rivalela swidyoho swa wena, u tlakukerile ehenhla ka swilo sweswo. Sweswi u khandziyile *lahawani*, wa vona, ehenhla ka swona hinkwaswo. Hikokwalaho ka yini? Hikokwalaho ko va u pfumela leswaku u Mukreste. Kutani loko u amukerile Kreste, na Moya lowo Kwetsima wu tile eka wena, kutani u na

ripfumelo eka Moya lowo Kwetsima, lowu ku nyiketaka matimba yo khandziya ehenhla ka vutomi lebyiya bya xidyoho.

⁹ Kunene, sweswi, nchumu wun'we ntsena lowu u faneleke ku wu endla, ku khandziya ehenhla ku ya eka ku horisiwa, ntsena va na na ripfumelo ro tala, ntsena—ntsena ya na emahlwени u ri susumetela ehandle. Wa vona? Kutani hi wena luya. Sweswi manuku wa vabya, nakona a wu Mukreste, hundzuka Mukreste sweswi, leswaku matimba lawaya ya ku horisa ya ta ta eka wena, hi ku hundzuka Mukreste. Nakona sweswo swi ta ku nyiketa ripfumelo ro khandziya ehenhla ka xidyoho. Swi ta ku nyiketa ripfumelo. Kutani xin'wana na xin'wana lexi u xi lavaka, erendzweni leri, xi kona eka wena sweswi. Nakona nchumu wun'we ntsena lowu u faneleke ku wu endla i ku va na ripfumelo eka Xikwembu, lexi xi susumetelaka swilo leswiya swa kahle ehandle ka wena, leswi nga eka wena, hi Moya lowo Kwetsima. Xana mi swi twisisa kahle sweswi—ke? Mi swi kumileke? [Nhlengeletano yi ku, "Amen."—Muhleri.]

¹⁰ Ndzi pfumela leswaku Billy u ndzi byerile, vusiku lebyi nga hundza, u ndzi vitanile kutani a ku, "Nghena, mixo lowu, ngopfu-ngopfu hikwalaho ka munhu un'we loyi a nga ta, a ehleketa leswaku hi na swikhongelo vhiki leri, swa Swilemo leswiya swa Nkombo." Nakona va tisile n'wana la vabyaka, ndza pfumela. Kutani loko u ri kona sweswi, nkulukumba, tsundzuka, a wu nge swikoti... Ripfumelo ra wena—ra wena ri ta fanela ku fambela n'wana yaloye, loko a ri—a ri lontsongo, ndzumulo.

¹¹ Kambe sweswi ndzi pfumeleleni ndzi teka Matsalwa yan'wana, loko hinkwaswo swi lulamile, ntsena xinkadyana. [Makwerhu Neville a hlamula, "Yana emahlweni, makwerhu. Amen."—Muhleri.]

¹² Ntsena tsundzukani, sweswi, eka Tievhangeli, hi hlayile eka kavanyisa ka vu¹⁶, ndza pfumela, ka Mintirho, laha Paul na Silas a va ri ekhotsweni vusiku byin'wana. Nakona a va biwile hikuva va hlongorile moya wa javulosi eka nhwanyana la vhumbhaka. Nakona a ku ri... Nakona, yena, vinyi va yena a va hlundzukile hi mayelana na swona. Kutani va va ba, va va hoxa ekhotsweni ra le ndzeni. Kuteloko va endlile sweswo, loko Paul na Silas va ha khongela, kutani Xikwembu xi rhumerile ku ninginika ka misava kutani ku mbindzumuxela khotso ehansi.

¹³ Mukhotsi wa Mufilipiya, tanahi leswi a ri ndhuna ya dzana, leswi, ku lahlekeriwa hi vabohiwa va yena—va yena, a ku ri ku va vutomi bya yena byi fanela ku hakela hikwalaho ka vabohiwa. U hlomurile ripanga ra yena naswona a ya eku tidlayeni, loko Paul a tsutsumela emahlweni kutani a ku, "U nga tivavisi. Hinkwerhu hi kona."

¹⁴ Naswona ndhuna leyi ya dzana a yi ri na, a hi nge, mavonele yan'wana lawa a va ri na wona hi mayelana na Paul na vona. Va ta va va yimbelerile tinsimu. Va nga va va mbhoniyerile,

kumbe ku endla swin'wana. Kambe, swin'wana na swin'wana leswi a swi ri xiswona, a va swi tiva leswaku a va ri vavanuna vo kwetsima. Va swi tiva leswaku a ku ri na nchumu wun'wana wo hambana hi vavanuna lavaya. Hikuva, hi xihatla, u vutisile, "Xana ndzi fanele ku endla yini ku va ndzi ponisiwa-ke? Xana ndzi fanele ku endla yini ku va ndzi ponisiwa-ke?"

¹⁵ Sweswi, Paul u te, "Pfumela eka Hosi Yesu Kreste, kutani wena na va yindlu ya wena mi ta ponisiwa."

¹⁶ Kunene, sweswi, loko ku pfumela eka Hosi Yesu Kreste... Sweswo a swi vuli swona leswaku ku ponisiwa ka *yena* a ku ta ponisa va yindlu. Kambe loko a ri na ripfumelo ro ringanelia eka Xikwembu hikwalaho ka ku ponisiwa ka yena n'winyi, a nga ha va na ripfumelo leri fanaka eka va yindlu ya yena. Nakona va yindlu ya yena va ta fanela ku nghena, wa vona, nchumu lowu fanaka.

¹⁷ Ku fana na hilaha Yobo a nga endla hakona, tanahi laha ndzi nga vula hakona eka vusiku byin'wana, ehansi eGeorgia, enhlengelletanweni. Ndzi te, "Yobo, u te, 'Sweswi, a ndzi swi tivi loko vana va mina va nga va va dyohile, kambe loko ku ri leswaku va dyohile-ke?'" Nakona Yobo a ri na nchumu wun'we wo wu endla, ku va a lulama, sweswo a ku ri, ku humesa gandzelo ro hisiwa. U virule leswaku a ta humesa gandzelo ro hisiwa, loko vana va yena va dyohile, kutani a va ta rivaleriwa eka vudyoho bya vona. Nakona a ku ri nchumu wa kahle ku va tatana luya a wu endlile. Luya i tatana loyi a ehleketa kahle. Hi lava tinxaka to tala ta vatatana lavaya namuntlha. Nakona Yobo u humesile gandzelo ro hisiwa. Sweswo a ku ri loko khombo ra yena ri nga se nghena.

¹⁸ Kambe loko vana va yena va dlayiwile hinkwavo, na tinyimpfu ta yena ti herisiwile hinkwato, na hinkwaswo leswi a ri na swona, swi tekiwile, a tshamile etaleni ra nkuma endzhaku ka yindlu ya yena, a ri karhi a tin'waya hi xirhengele.

¹⁹ Xana u swi xiyisisile, endzhaku ka masiku ya khombo ra yena, loko Xikwembu xi sungula ku tlherisela eka yena nakambe-ke? Laha a ri na khume ra magidi ya tihomu, na swin'wana na swin'wana, Xi tlheriserile hi kambirhi. Na ku andzisa tinyimpfu ta yena hi kambirhi, na ku andzisa hinkwaswo hi kambirhi. Kambe mi swi xiyisisile-ke? Nakona Xikwembu xi nyiketile Yobo vana va yena va nkombo. Xana u kale u ku ehleketa laha a va ri kona-ke? Gandzelo leriya ro hisiwa a ri yimerile vona. Va ponisiwile, eVukwetsimelweni, va rindzerile ku va yena a ta. U na vona namuntlha. "Wena na va yindlu ya wena mi ta ponisiwa." Wa vona? Sweswi, Yobo a ri na nchumu wun'we wo wu endla, ku va a lulama, a ku ri ku humesa gandzelo ro hisiwa.

²⁰ U na nchumu wun'we wo wu endla, ku va a lulama, sweswo i, ku va na ripfumelo eka Xikwembu. Hikuva, hi ripfumelo

wa ponisiwa, hi ripfumelo wa horisiwa, hi ripfumelo u kuma xin'wana na xin'wana lexi u nga na xona. Wa vona? Swi hi ripfumelo, ku va u swi pfumela. Sweswi, "Pfumela eka Hosi Yesu Kreste, kutani wena na va yindlu ya wena mi ta ponisiwa."

²¹ Sweswi, nkulukumba, loko u ri na xihlangi lahwani ku va xi ta khongeleriwa, u pfumela, hi wexe. Ndzi lahwani ku ta veka ripfumelo ra mina na ra wena, nakona hi ta pfumela, swin'we, leswaku Xikwembu xi ta horisa xihlangi xexo.

²² Ma swi vona, hi na matimba yo endla sweswo eka hina. Mi na matimba yo swi endla eka n'wina. Mukreste un'wana na un'wana u na matimba yo swi endla. Kambe sweswi loko ntsena hi nga kuma... Matimba yalawa ya lawuriwa hi nawu.

²³ Tanihi laha ndzi tshamelaka ku swi vula, swi kotisa hilaha nkoka-misava wu lawulaka mati hakona, hikuva i nawu. Nkoka-misava wu lawula mati.

²⁴ Dyambu, ri lawuriwa hi-hi...kumbe misava, ku rhendzeleka ka misava. U nga ka u nga swi endli leswaku dyambu ri endla nchumu wun'we, kutani u ku, "Ndzi pfumela leswaku ndzi lava ku etlela nkarhi wo lehanyana. Khomeleta awara yin'we." A ri nge swi endli, wa vona, hikuva ku na nawu. Loko u tirha hi ku ya hi nawu walowo, kunene, manuku, hinkwaswo swi ta lulama. Loko wo ya emubedweni hi nkarhi, u nga pfuka hi nkarhi. Naswona loko u...

²⁵ Kukotisa leswi hi nga na Lake Superior, Lake Ontario, Lake Huron, na hinkwawo Mativa Lamakulu lahwani. Hi na makume ya magidi ku andzisa hi magidi ya tiekara ta misava ehandle le Nevada, na California, na Arizona, na New Mexico, leyi nga eku tshweni, hikwalaho ka mati yalawa, ya misava leyi nga kurisaka xin'wana na xin'wana. U nga phamela misava hinkwayo, le handle, loko ntsena a wu ri na mati lawa, lahwani, ku rhelela lahaya. Nakona a ya nga ta karhata sweswo, hikuva ya phameriwa hi xihlovo. Xikan'we-kan'we loko ya hela, ntsena ya vuyela eka levele nakambe, hikuva nkoka-misava wu ma khoma kwalahaya. Kunene, sweswi, loko u nga tirha ku ya hi nawu wa nkoka-misava, u nga teka Mativa lawa Makulu kutani u cheleta tiko hinkwaro kwalahaya, na ku phamela misava hinkwayo, a ku na munhu loyi a ta va na ndlala. Kambe u nga ka u nga tshami lahwani kutani u ku, "Ina. Ndza swi vona. Hakunene." U fanele ku famba u ya swi endla.

²⁶ Kunene, yaleyo i ndlela leyi fanaka leyi swi nga xiswona hi nawu wa Xikwembu. Nawu wa Xikwembu i ripfumelo. Naswona hi na ripfumelo lahwani, mixo lowu, ro horisa vuvabyi byihi na byihi, ro endla swin'wana na swin'wana. Kambe swi lawuriwa hi nawu, nakona nawu walowo i ripfumelo. Nawu wa Xikwembu i ripfumelo. Yesu u te, "Swilo swin'wana na swin'wana leswi mi swi navelaka, loko mi khongela, loko mi nga pfumela leswaku mi ta swi amukela, mi nga swi kuma." Hi sweswo. Swingaleswi,

i ripfumelo leri ri swi lawulaka, naswona ripfumelo ri nyiketiwa eka hina ntsena tanihi laha hi nga na xilaveko xa rona. Sweswi, hi fanele ku... Xikwembu xi avela van'wana va hina ripfumelo rin'wana, van'wana ripfumelo rin'wana. A hi matimba man'wana lamakulu ya le henhla ka ntumbuluko lawa u nga na wona. Hikuva, loko u hundzuka Mukreste, u—u va ku ri khale u ri na matimba, kambe u pfumala ripfumelo ro tirhisa matimba yalawa.

²⁷ Swingaleswi sweswi, mixo lowu, loko u ta ku ta khongeleriwa, tsundzuka, Bibele yi swi vurile leswi. Lowu i ntiiyiso. Jimisi 5:14, “Loko ku ri na un'wana exikarhi ka n'wina, la vabyaka, a vitane vakulukumba va kereke. A va va toti hi mafurha, kutani va va khongeleta. Xikhongelo xa ripfumelo xi ta horisa vavabyi, naswona Xikwembu xi ta n'wi pfuxa.” I xitshembhiso, loko u nga xi pfumela. Hikokwalaho, wa vona, ku horisiwa ku averiwe munhu ha un'we-un'we.

²⁸ A swi ri kona hi masiku ya Yesu wa Nazareta. A nga ta va horisa vanhu ku lwisana na—ku lwisana na ripfumelo ra vona vinyi. U te, “Ndzi nga swi endla, loko mi pfumela. Loko mi pfumela leswaku Ndza swi kota ku endla leswi, Ndzi nga swi endla.” Loko mi nga swi pfumela!

²⁹ Swingaleswi, vanhu van'wana va hoxa—va hoxa matimba ya ku horisa eka va n'wanyana, vaevhangeli. A hi sweswo. Matimba ya ku horisa ma le ndzeni ka wena. Ma le ndzeni ka wena. Ntsena vo vekela xikocikara emahlweni ka hanci. Muevhangeli a nga na matimba yo horisa.

³⁰ I Moya lowo Kwetsima lowu nga na matimba yo horisa, nakona u na Moya lowo Kwetsima. Walowo i nsinya lowuntsongo lowu u nga wona, naswona swilo hinkwaswo leswi u swi lavaka swi le ka wena. Swingaleswi, hikokwalaho, ntsena u sungula ku nwa ku suka eka xitshembhiso xa Xikwembu, u ri karhi u ku, “I ntiiyiso. Xikwembu xi vurile leswaku Xi ta ndzi horisa. ‘Hi timbangta Yena ndzi horisiwile.’” Hi sweswo. Wa swi tiva leswi u swi endlaka? U sungula ku susumetela ku horisa ehandle, hi sweswo ntsena. Wa vona? Kutani, van'wana va nga ha vona leswi u nga na swona.

³¹ Sweswi leswi ri nga swona, “Ripfumelo i ntsutsu wa swilo leswi languteriwaka; vumbhoni bya swilo leswi nga voniwangiki.”

³² Ndzi nga ha veka xinsinyana lexiya xintsongo ehandle. A ndzi ma voni maapula, kambe ya kona kwalahaya. Xinsinyana lexiya xa swi tiva leswaku ya kona kwalahaya. Swingaleswi xi sungula ku nwa, xi susumeta na ku susumeta, hikuva xi swi tivile leswaku, “Ya le ka mina. Ndzi ta ma humesela ehandle lahawani endzhaku ka nkarhi. Ndzi nyike nkahrinyana. Ntsena ndzi hlayiseli xinkadyana.” Ntsena xi tshamela ku nwa. “Ina, ndza swi tiva leswaku maapula ya le ndzeni ka mina. Ndzi ta ma

humesa, endzhaku ka xinkadyana.” Kutani nchumu wo sungula lowu u wu tivaka, hi lawa ya taka. Hi lawa maapula ya taka, hikuva a xi pfumela leswaku a ya ri eka xona.

³³ Kutani loko u pfumela leswaku matimba ya Moya lowo Kwetsima ya le ka wena, ku ta ku horisa, hi sweswo. Ntsena tshamela ro susumeta. Wa vona? U na ripfumelo. U nga ka u nga voni mimbuyelo xikan’we-kan’we. A wu yi voni.

³⁴ Sweswi, wa vona, Jimisi u lulamisile Abraham hi mintirho ya yena. Paul u lulamisile Abraham hi ripfumelo ra yena. Xana hina hi ri yini manuku, exikarhi ka lava mbirhi? Abraham a vulavula hileswi . . . Ndzi vula, Paul a vulavula hileswi Xikwembu xi nga swi vona eka Abraham. Nakona Jimisi a vulavula hileswi vanhu va nga swi vona eka Abraham. Wa vona? Sweswi, wa vona?

³⁵ Hikokwalaho, Xikwembu xi swi tivile sweswo, loko xihlangi xi nga se ta, leswaku Abraham a ri na ripfumelo. Naswona Abraham u swi khorwisile eka Xikwembu, hi ku endla kukotissa (yena) loko xihlangi xi ya eku teni loko a ri ngon’wa. A nga ri na vana. Xivelekelo xa nsati wa yena a xi file, naswona yena a ri ngon’wa. Kambe, hambiswiritano, a swi tiva, “Kwalahaya kun’wana a ku ri na xihlangi.” Ma swi vona, u yile emahlwени a nwa eka xitshembhiso, a tiseketela hi Xikwembu lexikulu El-Shaddai, Vele. U tiseketerile kwalahaya, a ri eku nweni, a ri karhi a swi tiva leswaku Xikwembu a xi ta n’wi nyiketa xona; a swi tiva leswaku a xi ri xitshembhiso, nakona a Xi fanele ku xi endla.

³⁶ Nakona hi vana va Abraham. Swingaleswi a hi tiseketeleni eka xitshembhiso xa Xona, na ku khomelela kwalahaya, hi ri karhi hi switiva leswaku Xikwembu xi ta swi endla. Xi vule tano. Wa swi pfumela sweswi-ke? [Nhlengeletano yi ku, “Amen.”—Muhleri.]

³⁷ Kutani pfumelelani vavabyi va fola lahawani eka rin’wana ra matlhelo kumbe lerin’wana, lava va lavaka ku khongeleriwa. Kutani loko hi nga kuma nkulukumba lahawani kutani a va tota hi mafurha, mina ndzi ta va khongelela, naswona hi ta pfumela leswaku Xikwembu xi ta horisa un’wana na un’wana wa vona. “Loko mi nga pfumela.”

³⁸ Teddy, u le kwihi-ke? Tana ku rhendzeleka hi tlhelo leri ra yoko ra xinene. Sweswo swi kahle. Kutani ndzi lava leswaku u chaya *Pfumela Ntsena*.

³⁹ Kutani loko va ha ri eku teni, ntsena a hi korhamiseni tinhloko ta hina, vayingiseri lavan’wana hinkwavo, naswona a hi veni exikhongelweni eka vanhu lava va nga eku teni.

⁴⁰ Tata wa hina la nga Matilweni, hi tisa eka Wena, mixo lowu, hi Vito ra Yesu Kreste, vambuyangwani lava, va vabyaka, vanhu lava xanisekaka lava nga eka lexo chavisa, xiyimo xa mhangu. Ndza Ku pfumela, Hosi. Ndza—ndza swi tiva leswaku Marito ya Wena ya ntiiyiso. Ya ntiiyiso swonghasi! Ya nga ka ya nga tsandzeki, hikuva hi Wona Rito ra Xikwembu leri nga Heriki

nakona ri tshama hi masiku. Ya ni matimba hinkwawo, kukotisa leswi Xikwembu xi nga xiswona, hikuva Ya xiave xa Xona. “Eku sunguleni Rito a ri ri kona, nakona Rito a ri ri na Xikwembu, naswona Rito a ri ri Xikwembu. Kutani Rito ri endliwile nyama kutani ri tshama exikarhi ka hina.” Sweswi, hi pfumela sweswo, Hosi, hi timbilu ta hina hinkwato, hi mimoya-xiviri ya hina hinkwayo, hi hinkwaswo leswi nga endzeni ka hina. Ha swi pfumela.

⁴¹ Kutani ndzi ringetile, hi leyo olova, ndlela yo kotisa ya n’wana, ku swi kombisa eka vanhu, leswaku va ta twisisa na ku tiva leswaku Matimba ya Xikwembu ya tshamile endzeni ka vona. Loko ntsena va nga va na ripfumelo ra vona kutani va landzela swilerio swa Xikwembu.

⁴² Sweswo hileswi va nga ponisiwa hakona. Va tile kutani va hundzuka eswidyohweni swa vona, kutani va khuvuriwa hi Vito ra Yesu Kreste, ku ya hi Bibeleyi, Mintirho 2. Kutani Petro u vurile, leswaku, “Mi ta amukela nyiko ya Moya lowo Kwetsima.” Kutani hi Lowu wu taka, ntsena hi ku kongoma, hikuva hi Wona Rito ra Xikwembu leri nga vonakarisawa.

⁴³ Kunene, sweswi, nchumu lowu fanaka, Tatana, ha swi tiva leswaku i ntiyiso, loko hi tota vavabyi hi mafurha, kutani hi va khongeleta. “Xikhongelo xa ripfumelo xi ta horisa vavabyi. Xikwembu xi ta va pfuxa.” Xikwembu, ingaku un’wana na un’wana a nga suka ealtarini leyi, ku rhendzeleka hi ndzhawu leyi mixo lowu, a tsakile swonghasi na ku tlangela, hi ku tiva leswaku Xikwembu xi va horisile. “Fambani, mi ya horisiwa.” Hikuva hi va nyiketela eka Wena sweswi, hi Vito ra Yesu Kreste.

⁴⁴ Ingaku un’wana na un’wana a nga horisiwa, kutani a khoma xivono, leswi xi vulaka swona. “Kukotisa Abraham, u vitanile swilo leswiya, a swi nga ri kona, tanihi loko swi ri kona.” Swi nga ri na mhaka leswaku mimbuyelo i yini, sweswo a swi nchumu xo xi endla na ripfumelo. Mimbuyelo a hi nchumu. Ripfumelo i khale ri khomelerile. “Nakona ripfumelo i ntsutsu wa swilo leswi languteriwaka, na vumbhoni bya swilo leswi nga voniwangiki.” Xikwembu, ingaku swi nga dzikela emakorhweni ya timbilu ta vona, hikuva va le ku laveni ka Wena.

⁴⁵ Ndza famba tanihi nandza wa wena wo titsongahata, ku ya yima lahwani ku longoloka na malandza laman’wana, kutani hi khongela Xikwembu ku va xi veka etimbilweni ta hina hikwalaho ka vanhu lava va vabyaka. Ha swi kombela hi Vito ra Yesu. Amen.

⁴⁶ Munhu un’wana u vurile leswaku Makwerhu Estle Beeler a ri kwala muakwini. Naswona ndzi pfumela leswaku ku na muvuri wa Rito un’wana lahwani, la nga rhangela hi xikhongelo, mixo lowu. Hi ta tsakela ku kombela vavuri va Rito hinkwavo lahwani, hambi va nga va va ri yini, loko mi nga ta lahwani mi ta yima ku rhendzeleka hi altari na hina, ntsena swa xinkadyana,

swintsongo, ndza kombela, vamakwerhu. Kutani vavanuna... Makwerhu Ben, ndza ku khensa. Tana haleno u ta yima ku rhendzeleka hi lahawani, ku rhendzeleka na altari lahawani, leswaku hi ta va na xikhongelo na vanhu lava, hi va tlhandleka mavoko.

⁴⁷ Sweswi, loko va ha chaya risimu. Kutani vavuri va Rito va le ku tekeni ka tindzhawu ta tona lahawani, swingaleswi hina, un'wana na un'wana, hi nga ha tlhandleka mavoko ehenhla ka vavabyi.

⁴⁸ A hi voneni, ku rhelela ehansi ku tsemakanya ntshava lahaya. Ndzi vona Wanuna a ri eku teni, a nga hambananga na wanuna wihi kumbe wihi. Ntsena a ri Wanuna wa ntolovel, a ri ntsongo hi miri, a nga ha va a tsanile. Loko hi N'wi vona a langutisa, mahlo ya Yena ya rhelela ehenhla ka—ka mbono lowu tekaka ndzhawu enkoveni. A ku ri vaapostola va Yena. A va ri na mufana kwalahaya, loyi a ri na switshetshela, naswona a swi kanakanisi leswaku a va ri karhi va ku, “N'wi horisi, Hosi! N'wi horisi!”

⁴⁹ Kambe, ma swi vona, ntsena ku vula leswaku, “N'wi horise, Hosi, n'wi horise,” a swi nge swi endli. Sweswo a swi nge swi endli. Ku fanele ku va na nchumu wun'wana endzhaku ka leswaku, “N'wi horise, Hosi, n'wi horise.” Ma vona? Nakona loko ndzi nga endla leswaku u pfumela sweswo, na ku va u pfumela sweswo hi mbilu ya wena hinkwayo, u ya eku horisiwene, loko ndzi nga endla leswaku hakunene u vona xivono.

⁵⁰ Sweswi langutisa, vadyondzisiwa lavaya a va yimile lahaya, kumbexana va ri karhi va n'wi ninginisa, kumbexana va susumeta hi matimba. “Swi pfumeli, makwerhu! Swi pfumeli! Haleluya! Swi pfumeli! N'wi horise, Hosi! N'wi horise!” Kambe javulosi u tshamile kwalahaya, hikuva a nga kumi ripfumelo ro ringanelahaya ku endla leswaku a famba.

⁵¹ Kambe hiloko ku rhelela Un'wana ku tsemakanya xintshabyana. Kutani xikan'we-kan'we loko javulosi luya a xiyisisile leswaku luya a hambanile swintsongo na vavanuna lavan'wana... Wa vona?

⁵² Sweswi, yaloye i muxaka wa vavanuna lava hi lavaka ku xaxamela na vona lahaya, kukotisa Hosi ya hina Yesu. Ina. Ntsena ku nga ri ku tela nkombiso, kambe tana, u rhandza Xikwembu xa hina, u tiva leswaku hi lerisiwile ku endla leswi. Lexi i xileriso xa hina.

⁵³ Kutani, loko A ya eka Tatana. Ndzi ehleketa leswaku laha hilaha risimu leri ri nga tsariwa ku suka kona, ri qambhiwile hi Rito. U te, “Hosi, va na na ntsetselelo ehenhla ka jaha ra mina, hikuva u hlaseriwile hi dimona.” A ku, “Ri n'wi chela endzilwene, a titivala, na swin'wana na swin'wana.” A ku, “Ndzi n'wi tisile eka vadyondzisiwa va Wena, kambe a va swi kotanga ku n'wi horisa. Kambe a ndzi—ndzi—ndzi anakanya...”

⁵⁴ A ku, “Ndzi nga swi endla, loko u nga pfumela. Sweswi, Ndzi na Matimba endzeni ka Mina,” A ku, “yo swi endla, loko u nga pfumela sweswo.”

⁵⁵ Xana Xikwembu xi nga pfumelela vanhu lavaya va nga khomiwa hi mfukuzani lava nga tshama lahwani mixo lowu, lava khomiweke, va khomiweke hi mfukuzani, na mfukuzani ya ngati, vuvabyi, maxangu, xana Xikwembu xi nga va horisa kutani xi hundza wena-ke? A swi koteke. Ee. Wa vona? Sweswi, A xi tsandzeki. “Ndzi nga swi endla, loko u pfumela.” Xana U te yini-ke?

Hikuva swilo hinkwaswo swa koteke,
ntsena . . .

Sweswi, Makwerhu Tyler, tana haleno . . . ? . . .

Sweswi pfumela ntsena, pfumela ntsena,

⁵⁶ Sweswi, loko ndza ha khongela, ndzi lava leswaku mi tlhandleka mavoko ehenhla ka vanhu. Hambi ku nga va yini leswaka, . . . ? . . . kutani mi rhelela hi layini.

⁵⁷ Makwerhu Neville, wena u tota hi mafurha, kutani vamakwerhu . . . ? . . .

⁵⁸ Ndzi lava munhu un’wana na un’wana, eka vayingiseri, na nhloko ya wena leyi korhameke sweswi. Munhu un’wana na un’wana a ve exikhongelweni hi vuenti.

Ntsena . . .

⁵⁹ Hosi, va na na ntsetselelo, ndza khongela, naswona u horisa vanhu lava, hi Vito ra Yesu Kreste. Amen.

Hi Vito ra Yesu wa Nazareta . . . ? . . .

⁶⁰ [Makwerhu Branham na vavuri va Rito va khongela na ku tlhandleka mavoko eka vavabyi, loko Makwerhu Neville a ha va tota hi mafurha. Xivati lexi nga ri ki na nchumu eka thepi—Muhleri.]

⁶¹ Vo tala swonghasi, ku xaxamela na layini, va va langutisile, ku ta vona maendlele ya vona ya hilaha a va ri hakona, ku vona hilaha va endlisaka xiswona eka xiendlo. Wa vona? Ku na nchumu wo tanahi xiendlo, va tlakukile kutani va ta emahlweni. Nchumu wun’wana, hilaha va endlisaka xiswona eka xiendlo xexo va nga xi endla. Endzhaku ka loko va tile eka ndzhawu ya ku pfumela kona, leswaku, loko va khongeleriwa, va ta hola, kutani mi langutisa maendlele ya xiendlo xa vona.

⁶² Sweswi, mufundhisi wa hina u na hungu ra kahle eka hina, ndza tshembha, mixo lowu.

⁶³ Nchumu wun’we lowu ndzi lavaka ku vulavula eka wona ntsena xinkadyana, a ku ri nhwanyana wa Mukhatholiki kwalahaya ku xaxamela na altari. Masikunyana lawa ya nga hundza a ri endlwini ya mina, yena na nuna wa yena. Nakona ndzi tivile nuna wa yena nkarhi wo lehanyana. Nakona—nakona

a ku ri na nchumu wun'wana hi mayelana na loko ha ha tshamile eka vukonanisi bya le xihundleni.

⁶⁴ Kwalaho hi kona laha hi nga va na xivono. Kwalaho hi kona laha hi... A ndzi tshamela ku va na xona kwala kerekene, kambe ntsena xi tekeriwile ehenhla ni mixo, na swin'wana na swin'wana. Swingaleswi a ku ri kwalahaya.

⁶⁵ A ndzi kalanga ndzi vula nchumu, hikuva a ri nhwanyana, nchumu wun'wana, a tshamela ku kurisiwa ekerekene ya Khatholiki, na swin'wana na swin'wana. Kambe a yile ku ya vulavulela mana wa yena. Kutani hi nkarhi walowo, ndzi vonile xivono xa mana wa yena. Ndzi n'wi byerile leswi mana wa yena a karhatiwa hi swona, na ku n'wi hilamusela, na hilaha mana wa yena a langutekisa xiswona. I ntiyiso, a ri muavanyisi wa sweswo, hambi a swi lulamile kumbe swi nga lulamanga. A ndzi se tshama ndzi vona mana wa yena, evuton'wini bya mina. Yena wa swi tiva sweswo.

⁶⁶ Kutani nhwanyana luya, mixo lowu, u tile ealtarini lahwani kutani a yima, ku ta tivula, na ku amukela Kreste tanihi Muponisi wa yena. U endlile sweswo ealtarini, mixo lowu.

⁶⁷ Makwerhu Neville, a nga ri eku swi tiveni, u n'wi totile hi mafurha. Hilaha—hilaha Xikwembu xi tirhaka hakona! U n'wi totile hi mafurha, ya vavabyi. Kambe langutisa ku famba ka Moya lowo Kwetsima. Sweswi, ku va a totiwile, hakunene a nga ri eku vabyeni, kambe u totiwile. Wa swi vona hilaha swi endlaka swilo hinkwaswo swi tirha kahle-ke? U yimile tanihi Mukreste sweswi, endzhaku ka loko a hundzukile leswi hi swi pfumelaka ku va Mukreste. Sweswi, u te, "Xana u nga khongelela manana wa mina-ke? Wa vabya." Yaloye hi loyi a fanaka. Swingaleswi mafurha yo tota ya tirhisiwile ka ha ri na nkarhi. Ndzi anakanyile, hilaha swi faneleke hakona, sweswo, wa vona, un'wana ku va a ha ku ponisiwa. Kreste u yimerile hina hinkwerhu. U yimela hinkwavo. Nakona xikan'we-kan'we loko nhwanyana loyi a hundzuka Mukreste, kutani u lava ku yimela munhu un'wana, na yena, ku kombisa leswaku Moya wa Kreste wu nghena endzeni ka hina loko hakunene hi ponisiwile. Sweswi, sweswo hakunene swi kahle. Kunene sweswo ndza—ndza swi khensa, moya walowo wa kahle wa Vukreste wa ku pfumela. Sweswi, ntsena tsundzuka.

⁶⁸ Sweswi, eka wansati loyi lontsongo, u kun'wana kwala, na le ka wansati un'wana wa Mukhatholiki loyi a nga ta kwala. Naswona ndzi ta tsakela ku vula marito lawa, ntsena loko ndzi nga se hundzisela ntirho eka mufundhisi wa hina, wa vona, hi lawa. [Makwerhu Neville a ku, "Amen."—Muhleri.]

⁶⁹ Sweswi, kereke ya Khatholiki nkarhi wun'wana a yi kotisa kereke ley. Loko u nga tlhelela endzhaku kutani u hlaya Bibele, ley hi yi pfumelaka, nakona wa swi tiva leswaku Kereke ya Khatholiki a yi ri Kereke yo rhanga. Walowo i ntiyiso. Kambe yi

yile ekule na Madyondzisele ya Yona. *Lawa a ya ri madyondzisele ya kereke ya Khatholiki.* Kambe, wa swi vona, va na ntsevu wa madzana na swin'wana swa tibuku tin'wana leti tipophu na van'wana na van'wana va nga ti tsala, leti ti kwetsimaka eka vona tanihu Bibebe ley.

⁷⁰ Swingaleswi, wa vona, leswi ley yi nga swona, a mi cincanga. Leswi mi nga swi endla, mi lo hundzuriwa. Ma vona? Sweswi loko mi teka... I ntiyiso, ndza tshembha leswaku van'wana va n'wina, lavambirhi, mixo lowu, a va ri vavasati. Ku nga va ku ri na vavanuna va Makhatholiki va tshameke lahwani.

⁷¹ Loko mo tlhelela endzhaku eka matimu ya kereke, loko mi nga vutisa muprista wa n'wina, "Xiendlo xa vaapostola lava eBibeleni lahwani, a ku ri leswaku ndlela leyi... Xana valava a va ri Makhatholiki vo sungula-ke?" U ta ku, "Ina." Nakona sweswo i ntiyiso. A va ri vona. Sweswi, vona, langutani leswaku i vukhongeri bya muxaka muni lebyi a va ri na byona. A va hlangana eka leyintsongo, ndzhawu yo olova. A va kalanga va ku, "A ku losiwe Vamariya" kumbe "Vafada va hina." Walowo i ndhavuko wa kereke. Xana va te yini-ke? Va dzunisile Xikwembu. Va kalakarile. Va ririle.

⁷² Langutani laha eka Mintirho 2, loko Muapostola Petro la kwetsimaka, na Jimisi, na Yohana, na hinkwavo va ri swin'we. Bibebe yi vurile leswaku va lulavurile hi tindzimi. Naswona va kalakarile, na hambi ku ri ku endla swingere-ngere—swingere-ngere va tatiwile hi Moya kukondza va endla kukotisa loko va pyopyiwile, kukondza misava ya le handle yi vutisa leswaku, "Xana lava hinkwavo va lo pyopyiwa-ke?"

⁷³ Kutani Petro, muapostola, Mukwetsimi Petro wo kwetsima, loko a tlakuka a yima, kutani a ku, "Vavanuna na vamakwerhu, vavanuna lava a va pyopyiwanga, kambe va tatiwile hi Moya," tanihu laha—tanihi laha Bibebe yi nga vula leswaku a va ri tano. Sweswi, yaleyo a ku ri Khatholiki ya le ku sunguleni, ku ya hi madyondzisele ya vona.

⁷⁴ Sweswi, ma swi vona, endzhaku ka kwalomu ka madzanambirhi wa malembe, vachaviseki va sungurile ku nghena ekerekeni. Kutani xana va endlile yini-ke? Va endlile vandla ra vona ro rhanga eNicene Council, A.D. 606. Va endlile ra vona... Loko Nicene Council yi khomiwile eNicaea, eRhoma, va sungurile ku nghenisa vahlonipheki hinkwavo endzeni, kutani va *vumba* kereke, na ku *endlia* kereke.

⁷⁵ Endzhaku ka sweswo, yi phatlukile ka mune kumbe ka ntlanhu. Va yile—va yile ku suka eka sweswo, ku ya eka bixopo; ku suka eka bixopo, ku ya eka phophu. Kutani ku suka eka sweswo, ku tile Greek Orthodox na to hambana-hambana, kukondza va phatluka, ku ya laha u yi vonaka kona namuntlha. Ntsena yi le ka tinxaka hinkwato ta ku phatluka.

⁷⁶ Kambe leswi hi ringetaka ku swi endla, munghana wa mina wa Mukhatholiki, wa vona, hi makhatholiki, na hina. Hi hina lavo rhanga, makhatholiki vo sungula. Nakona kereke leyи va hi vitanaka yona sweswi, ko tala, hi kongomisiwa tanihi vapentekosta, hikuva hi pfumela eka minkateko ya xipentekosta.

⁷⁷ Kwalano hilaha kereke ya Khatholiki yi nga kondleteriwa kona. Kutani eka mavandla ya hina ya Pentekosta, namuntlha, loko-loko misava leyи yi nga yima ntlhanu wa madzana ya malembe hi ku leha, vandla leri ra Xipentekosta ri nga va ra ximfumu swinene ku tlula leswi kereke ya Khatholiki ya Xirhoma yi nga xiswona namuntlha. Ntsena yi le ku yeni ekule, hi ndlela leyи fanaka. Nakona loko va kondletela, va endla loji ku huma eka yona. Kutani ntsena va hundzuka loji, na swirho, na mimoya-xiviri leyи nga hundzuriwangiki.

⁷⁸ Eka va mina lavo hlawuleka, vamakwerhu na vasesi lavo rhandzekwa, eka n'wina hinkwenu. Tanihi nandza wa Xikwembu, a ndzi se tshama ndzi swi vula leswi, emisaveni, ekerekeni leyи, a ndzi se tshama ndzi swi vula. Kambe tanihi muprofeta wa Hosi, ndzi ri eka n'wina, "Hi leri Rivoni. Fambani eka Rona." [Nhlengelato yi tlangela kutani yi ku, "Amen."—Muhleri.] 

RIPFUMELO TSO61-0813
(Faith)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Mhawuri 13, 1961, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org